



31 de xaneiro de 2013. ADEGA está a exercer a **acusación particular no proceso penal** contra un funcionario (J.T.M.) acusado pola Fiscalía de "anteponer os criterios comerciais aos ambientais", e emitir informes favorábeis á construción dunha

[piscifactoría en Rinlo \(Ribadeo\)](#)

na RN2000 e sobre hábitats prioritarios. Esta obra, promovida por

[Ramón Álvarez-Cascos](#)

, foi paralisada e denunciada por ADEGA en 2005-6, e finalmente

[declarada ilegal polo TSXG en 2009](#)

, que anulou a DIA e o

[acordo](#)

do Consello da Xunta de Fraga. Tras procesar tamén por prevaricación ao daquela Dir. Xeral de Calidade e Avaliación Ambiental

[J.M. Álvarez-Campana](#)

, a Fiscalía acusa agora ao funcionario, daquela xefe do servizo de Conservación e

Biodiversidade por motivos similares. Dende ADEGA queremos lanzar un

aviso

a quenes dende a administración, e ignorando a obriga de cumprir as leis que protexen a nosa biodiversidade máis fráxil, avalan cos seus informes

proxectos manifestamente incompatíbeis

coa conservación destes valores. Prevaricar contra o ambiente non pode quedar impune!

Esta iniciativa da Fiscalía abre de novo a **vía penal**, logo de ter [imputado por prevaricación a](#)

[J.M. Álvarez-Campana](#)

, daquela Director Xeral de Calidade e Avaliación Ambiental. É a continuación dun longo proceso xudicial iniciado trala denuncia de ADEGA contra as actuacións da Xunta e ACUINOR no caso da piscifactoría de Rinlo (LIC As Catedrais). Até hoxe, os tribunais viñeron dando

sistemáticamente a razón a ADEGA: primeiro,

[absolvendo aos nosos activistas dunha denuncia penal](#)

por coaccións tras paralizar as obras ilegais da piscifactoría; a continuación, acordando unha decisiva -pois do contrario quedaría desvirtuada a anulación do DIA-


[paralización cautelar das obras](#)

; logo,

[desestimando a demanda civil interposta por ACUINOR](#)

reclamando a ADEGA unha indemnización de 30.000 € e, finalmente,

anulando a DIA e as licenzas de obra e actividade do proxecto, así como o proxecto sectorial



Como consecuencia da actuación chafalleira e ilegal da Xunta, **ACUINOR reclamou 7,3 millóns de € á administración**

en concepto de danos e perxuizos por non poder facer finalmente a piscifactoría. O TSXG ditaminou en 2012 que Álvarez-Cascos tiña dereito a recibir unha

indemnización de 689.000€

polos gastos e investimentos efectuados nun proxecto que a Xunta autorizou sendo ilegal. Deste xeito, a falla de respecto pola lei da administración saínos outra volta ben caro a todos os galegos/as.

O caso da piscifactoría de Rinlo exemplifica o **desprezo pola legalidade**, polo noso patrimonio natural e pola cidadanía que practican algunhas empresas coa colaboración necesaria das administracións: Declaracións ambientais á medida e fraudulentas; licenzas ilegais; sospeitas de corrupción por manexo de información privilexiada, deixación de funcións administrativas, modificacións lexislativas á medida e tramitacións “expres”; inxustiza social e desprezo pola cidadanía ao permitir a algúns amigos facer o que non podemos o resto dos cidadáns...

Por iso, este xuízo a un dos "técnicos" da administración que asinan informes ambientais a medida, e que segundo a Fiscalía "antepuxo os criterios comerciais aos ambientais" e permitiu que se causara "un perxuízo irreversible á integridade do lugar", pode sentar precedente e mandar unha mensaxe moi clara aos cargos técnicos da administración: **Ceder ás presións dos políticos ou empresarios, pode saír moi caro**

. Por riba están os intereses da cidadanía á que se deben e a salvagarda das leis, incluídas por suposto as ambientais.